

AKHBAR : KOSMO!

MUKA SURAT : ONLINE

TARIKH : 10 OGOS 2023

HARI : KHAMIS

SENTIMEN : POSITIF

SUARA KONTEMPORARI
Kosmo!



**DAPATKAN AKHBAR
ANDA HARI INI!**

Untuk langganan hubungi **019-333 0317**

Ayo! Siapa
kata itu akhbar
sudah mati...



MAJLIS ISTIMAWA
untuk langganan
6 bulan & 12 bulan

TERKINI NEGARA ▾ HALAL NIAGA ▾ K2 ▾ AURA HIBURAN ▾ DUNIA SUKAN ▾ AHAD ▾ VIDEO PREMIUM

UMT bantu PTPTN tingkat kesedaran bayaran balik

Oleh MOHD AZLI ADLAN 10 Ogos 2023, 3:46 pm



Mazlan (tiga dari kanan) dan Ahmad Dasuki beramah mesra dengan dua pelajar UMT yang menerima sumbangan tablet daripada PTPTN pada majlis menandatangani kerjasama di UMT, Kuala Nerus hari ini.

KUALA NERUS – Universiti Malaysia Terengganu (UMT) menjalin kerjasama dengan Perbadanan Tabung Pendidikan Tinggi Nasional (PTPTN) bagi meningkatkan kesedaran menunaikan pembayaran balik pinjaman dalam kalangan pelajarinya.

Naib Canselor UMT, Prof. Datuk Dr. Mazlan Abd. Ghaffar berkata, pihaknya juga berhasrat membudayakan Skim Simpanan Pendidikan Nasional (Simpan SSPN) dalam kalangan pelajar dan kakitangannya.

“Kami komited membantu PTPTN meningkatkan kefahaman dalam kalangan pelajar dan staf terhadap perkhidmatan yang ditawarkan agensi tersebut.

“Kita juga akan mencambah beberapa idea baharu bersama-sama PTPTN untuk membantu masyarakat mencatur masa depan mereka,” katanya di sini hari ini.

Terdahulu beliau menandatangani memorandum persefahaman (MoU) bagi kerjasama berkenaan bersama Ketua Eksekutif PTPTN, Ahmad Dasuki Abdul Majid.

Mazlan berkata, berdasarkan perjanjian tersebut, UMT akan membantu PTPTN meningkatkan kecekapan dan mutu perkhidmatan khususnya berkaitan kebajikan pelajar.

Tambah beliau, UMT dan PTPTN juga akan berganding bahu dalam menjayakan program tanggungjawab sosial korporat (CSR) .

“Program CSR itu memberi manfaat kepada pelajar universiti dan masyarakat setempat,” katanya. – KOSMO! ONLINE.

<https://www.kosmo.com.my/2023/08/10/umt-bantu-ptptn-tingkat-kesedaran-bayaran-balik/>